



DEO OPTIMO MAXIMO
UNI ET TRINO,
VIRGINI DEI-PARÆ, ET S. LUCÆ,
Orthodoxorum Medicorum Patrono.



QUÆSTIO MEDICA,
QUOD LIBETARIIS DISPUTATIONIBUS
manè discutienda in Scholis Medicorum, die Jovis decimâ-quintâ
mensis Novembris, anno Domini M. DCC. LXX.

M. JOANNE-BAPTISTA-MICHAELE BUCQUET,
Doctore Medico, Præsidente.

An Retina primum visus instrumentum?

I.



UÆ sensuum organa cum ad propriam excellentiam
tum ad majus corporis ornamentum in capite, tan-
quam in spectatiori sede, Natura collocavit, ex iis pro-
fecto nulla nobiliori vividiorque aspectu resurgent
quam Oculi, nulla etiam sui contemplatione Physici per-
scrutantis admirationem potentiùs alliciunt, quam quæ nativâ effigie,
imò novâ quâdam creatione, rerum universitatem nostrâ quasi parte, n

A

accommodant. Ritè de Oculo judicaverit, qui hunc cameram obscuram dixerit variis tunicis aliâ super aliam convolutis circumseptam, cuius intimâ superficie nihil imaginibus rerum objectarum excipien-
dis aptius. Perfunditur oculus diversis humoribus, quorum diversâ densitates in eo consonant quòd, magis ac magis auctâ radiorum lucis viciniâ, imago quâlibet in arcum cogatur, angustiusque tabellâ consentiat. En paucis verbis modus, quo ambientium lineamenta corporum imo referuntur Oculo. De hoc nulla lis est inter Physiologos. Dissident autem juxtâ modum, quo Anima rei depictâ fit conscia. Quodnam, videlicet, adit instrumentum visus primarium ambigitur.

(a) Hippocrates lib. de catarrhis, ad finem. Celus, lib. 7. c. 7. in. 13. Galenus, lib. de oculis, c. 2. Arist. 2. hist. animal. lib. 2. c. 9 & 11. Onibz. lib. de Medie.

(b) Maticore, non decouvert sur la vue. Act. er. d. 6-3. page 67. M. 17, H. 1. Acad. R. S. 1794. Dictionnaire de Médecine, dissertat. de cause de la vision. prior. act. er. d. 1717, pag. 460. S. Yves Traité des maladies des yeux p. 56. Le Cat, Traité des Sens, t. 2. 1749, pag. 18. Devis. Genl. Traité des Maladies des yeux 1770. t. 1. cap. 12. p. 98.

(c) Kepler, dioptric. prop. 69. Vetal. Anatom. Descartes, Traité d'optiq. Bernoulli, act. petropolit. 1726. p. 1149. La Hire, Dissert. de visâ. Boerhaave, Instituta Medicæ. Haller, comm. in prelacad. t. 4. El. m. Physiol. tom. 1 & perique Physiologi recentiores.

Sua fuit Veteribus de hac materie sententia: sua sunt quoque Neotericis de eâdem systemata. Absit verò ut menti priorum enucleandâ diu ius immoremur. Falsis errabundi theoriis, scientiaque admodum manca limitibus incarcerationi fixerunt humorem Crystal-
linum præcipuum adesse visionis organum (a). Seriam refutationem tale commentum non meretur: cuiuslibet Optices legi sinistram claudicat: jampridem ex omnium fide effluxit, & in oblivione jacet. Quid censeant Neoterici aperire properamus. Clamant unanimes necesse esse, ut extremi lucis radii fundio oculi appellent, & protensas ibi feriant membranas. At quidam contendunt (b) solam Choroideam lumine percelli, veramque ideò rei objectæ Cerebro nunciam & interpretem versari. Reliqui econtra Retinam solam id munus sibi meritò vindicare arbitrantur (c). Nos juvat posteriorum sententia. Ut stet invicta, naturam utriusque membranae mox perpendemus: dein, præmisso quodam de lucis phenomenon appendice, quid valeat alterutra ad visionem ponderabimus: tandem, infirmato quovis adversariorum argumento graviore, ad conclusionem in gratiam allati programmatis deveniemus.

II.

QUACUMQUE vâ rimeris Choroideam, sive solus illam scalpellus explicet, sive labantes tubulos liquor injectus resarciat, sive microscopium amplitudinem simulatam ipsis conciliet, textum merè cellulosum, sicuti in aliis membranis, reperies, merâ quidem tenuitate donatum, in quo diversâ proportionem vasa sanguinea lymphaticaque & nervi proreptant. In majori sunt numero, qui ductus sanguinem invehunt. Sive influat in arteria, sive redeat per venas illè latex, nunc recto delabitur in alveo, nunc sinuosis irriguus canalibus arbuscula, stellas aut vortices exarat. An dentur

vera vasa lymphatica dubitat Hallerus (a) Ferreinnio tamen innouerunt (e). Cæterum annuunt Rhuifchius, Hovius, Heisterus & alii quidam superesse ultima arteriolarum capillitia, quæ globulis rubris impervia solius feri seu lymphæ capacia sunt. Ad externam Choroideæ faciem nervi decurrunt plurimi. A Tertio Pari, intercedente Ophthalmico Ganglione, oriundi flexuoso reptatu circa Nervum Opticum ludunt, Scieroticam singuli perforant, Choroideæ agglutinati versus Orbiculum Ciliarem properant ibique, teste (f) Josepho *Lieutaud*, plexum nectunt. Verum in itinere nullis aut saltem raris & inconspicuis defraudantur ramulis (g). Choroidea sic vasis innumeris nervisque perpaucis instructa nigro obducitur unguine cuius fons fugit Anatomicos. Ita distribuitur illud pigmentum, ut extus fusca tantum & intus pulla aut penè nigra appareat membrana.

Retina Nervi Optici imo Cerebri ipsius medulla est in membranam explicata. Imprimis itaque conficitur ab hac pulpâ mucosâ & tenerrimâ, quæ cerebrum efformat & in axi nervorum propagatur. Retina vasis rubris insignitur, quæ ab ipsomet Nervo Optico deprompta per rete medullosum luxuriantur. Ex innumeris quos emittunt ramis, plurimi ob nimiam exilitatem omninò decolores sunt, adeoque solifero hauriendo idonei. In tantâ vasorum divisione tot fiunt anastomoses, ut nova quædam addit membrana vasculosa à textu pulposo separanda (h):

I I I.

UTRAMCUNQUE tunicam organum visus immediatum iudices, haud inficias ibis ex utrâque tabulam compingi, cui opticorum acies penicillorum admoveatur. Materia luminis à sole, quem immensam ejus scaturiginem jure prædicaveris, aut ab alio puncto lucido jugibus effluviis diffusa in omnium quæ novimus corporum superficiem assatim spargitur, & intra eorum poros ad elementares particulas admixta longè latèque disseminatur. Inde reflexa per angulum æqualem angulo indentiæ Oculis allabatur, ibique colores & alias corporum dotes visui pronas expandit. Lucem fieri radiis à quolibet centro per lineas rectas undique prolati physica comprobant experimenta: ast non sunt omnes ejusdem speciei. Septem primaria numerantur radiorum genera. Si paralleli coniungantur, affulget album jubar, lux ipsa, qualis à sole meridiano, dum aridet tempestas, emicat. Si huic obvertatur v. tr. i prismatis latus, retracta transilit, seque sistam prodit primigeniis septem radiis, rubro, nempe, aurantio, flavo, viridi, cæruleo, purpureo & violaceo, quos inter nullus, pluriès iteratâ reflexione aut refractione, in alios ele-

(d) Elem. Physiol. t. 5. pag. 442.
(e) Et antea Duverneio Stenonio, Vieussentioque.

(f) Anatomie-pratique & théorique, p. 117.

(g) Haller, Element. Physiolog. t. 5. p. 429.

(h) Hall. comm. in prælect. Acad. Boeth. t. 4. pag. 270. Gotting. ed. Teste Authore albinus hæc divisionem demonstravit.

mentares radios abire potest. Quamvis unicuique sua par sit simplicitas, suum tamen unicuique robur impar est. Eò debiliores, & per idem medium refringens flexiliores radii versantur, quò magis in institutâ serie à rubris distant.

(i) A treatise of the reflexions, refractions, and colours of light, by Isaac Newton Esq.

Isaac Newton hanc crasim materiæ luminis primus detexit (i): alioquin illius miracula legibus subjecit attractionis, cuius causæ vires computationibus Mathematicis emensus fuit. Si immortalem huicce virum audiamus, eò vividioribus corpora fulgent coloribus, quò densiores aut vicissim crassiores sunt minimæ, quæ poros eorum limitantur, superficieculæ seu lamellæ. Ergo crassissimæ, quæ lucem aut album colorem emittunt: iis accedunt quæ rubro splendent colore. Tenuissimæ tandem, quæ debiliores violaceos reflectunt radios, dum reliqui poris superficiei immersi, repetitisque tum refractionibus tum reflexionibus internis devii & obruti, latent. A radiorum diversâ coagmentatione mixti proficiscuntur colores. A reflexorum paucitate oritur umbra. Nullum ferè lumen emittunt nigra corpora: exilibus adeò lamellis horrent, ut omnes radios exhauriant, & in poris vicinis recondant. Nullus certè dubio locus quin pelluceant primigenia materiæ rudis elementa: plerumque tamen ex his aggregatis surgit corpus opacum. Causa opacitatis est, quod densitati elementorum intercedit cum densitate fluidi poris intrusi, discrimen. Quapropter lux moli appulsa reflexiones & refractiones innumeras patitur, idèoque hanc, nonnisi obliquis vagabunda tramitibus, pervadit. Si verò coarctetur in poris internis fluidum, cuius densitas ad elementorum densitatem comparata sit, tunc ullam in partem flexitescia lux materiæ viscera penetrat, recto itinere vecta transmeat; pellucidaque moles enitet.

Ex dictis patet quodnam lumen inter & circumstantia corpora vigeat commercium. Nunc indigitanda via, quâ horum mirabile spectaculum nostro sensui ministrat. Ex innumerabilibus quæ à variis rei objectæ punctis sparguntur undique radiis, si soli ad ipsius effigiem imò oculo exprimendam congruunt, qui perpendiculares aut angulis adeò minutis obliqui in cornu illabuntur, ut viribus huius membranæ & humoris aquei refringentibus ad axim globi omnes inflexi pupillam subeant. Ibi Lentem offendunt Crystallinam, cui densitas facierumque prominentia ita dispensantur, ut amplius adhuc in axim collinent transeuntæ radiorum acies, & occurſu mutuo brevi scopum feriant. Intentæ conspirationi favet humor Vitreus. Jam metam ceu focum tetigere radii: jam ultrâ pergunt à recto tramite quem monstravit humor æquabilis haud deflexuri. Quo igi-

tur ordine in focum epierunt, eo inverso nunc singuli seorsum dis-
ciuntur. Quâ normâ quisque à suo puncto vibratus fuit, eâdem fundo
oculi appellit, ibique nativam & distinctam imaginem licet inver-
sam & angustis tabulæ limitibus accommodatam omnes, ceu to-
idem penicilli, adumbrant.

I V.

IN eo potissimum à retina discrepat Choroïdea quòd nullis aut
paucissimis polleat nervulis cum aliumde satis ampliâ vasorum vi
luculenta Retina propemodum nervea versetur. Undè profectò li-
quet quam aliena sit prior à perfungendo primarii visus instrumenti
munere, quando quidem soli nervi sentiunt. Sed quid ad visionem
conferre valet mucus ater quo novæ instar membranæ obtegitur
interior Choroïdæ facies? Nonne stat sicuti vallum impulsis ra-
diorum acuminibus inexpugnabile? Numquid sensu valeret mem-
brana, etiamsi nervosis scaturiret staminibus, quamdiù pigmento luci
irradianti insensissimo obumbraretur? Retinæ suapte naturâ *αισθητική*
nulla offunditur caligo. Mollis, albicans, paululùmque pellucida lim-
pidis obtenditur humoribus, qui lucem ingruentem amico foveant
hospitio.

V.

INTER opinionis nostræ detrectatores primus emine: Edmun-
dus *Mariotte*. Retinæ principio seu Nervi optici ingredientis ocu-
lum fini sensum inesse vegetiorem suspicatus (k), experimentum
subtile tentavit, quodquidè, nedùm hujus suspitioni faveret, or-
bari principium illud videndi facultate patefecit. Quid inde? Cæ-
cutiebatne utique Retina? Hæsit anceps aliquamdiù vir emunctæ
naris. Sed error invaluit; deceptusque Mariottus Choroïdæ veluti
primario visus organo palmam concessit. Huic assensus est *Clau-
de Cat* (l) eodem experimento iterato & perfecto necnon propriis
ailucinatus hypothesibus. Omni sensu carere medullam nervi optici,
proindeque ipsius propaginem, uterque conclusit. Audaciores haud
immerito dixerimus, qui talem assertionem jactitent. Quod cæcus sit
Nervi optici finis nil mirum. Membranula obtegitur albâ, cellulosa,
piæ Menynge & Choroïdæ conterminâ, cujus in ambitu per tenues
poros exiliunt tum medullosa tum vasculosa stamina, quæ Retinam
contextunt (m).

(k) Prem. Lert.
de M. Mariotte à
M. Pecquet.

(l) Traité des
Scns, t. 2. p. 387.

(m) Haller,
Elem. Physiolog.
t. 1. p. 381. 474.
comm. in prat.
t. 4. p. 467.
(n) Traité des
Malad. des yeux,
page 38.

(n) Vidit Carolus de *Saint-Yves* candelæ prælucentis oculo, cui
adempta fuerat pars Sclerotica posterior, trans retinam in Choroï-
deam, imò etiam, excisâ Choroïdæ, in papyrus oleo madidum
conjectam imaginem. Verùm quid ad nos? Semi-diaphana est Re-

tina. Quâ proportionē pellucet, eâdem defraudatur radiis, qui poris ipsius intrusi novam in congruâ tabellâ imaginem rei objectæ exarare valent. Non ideo suâ peculiari imagine defraudatur retina. In oculo vivi hominis radii, de quibus agitur, redundant: placidæ corporum lucidorum contemplationi nocent. Nimio fulgore percussus oculus citò intabuisset. Æquè mirando certè ac simplici artificio Natura id malum propulsavit. Retinam semi-diaphanam voluit, ut superabundantibus radiis per ipsius poros recta pateret via ad atrum pigmentum, quo ingurgitandi hebetarentur.

(o) Lib. cit.
pag. 37.

Sententiæ Mariotti tenax Chirurgus ille oculus novum id telum in nostram contorquet (o): » Iris, inquit, Choroideæ congener est. » Motus autem Iridis, quo pupilla dilatatur aut contrahitur, ad vim » luminis, ipsiusque præcipui visus instrumenti *ευαισθησιαν* compa- » rata est. « Reverâ, si lux flagrantior oculos feriat, coarctatur pupilla, quominus perturbentur: si lux elanguescat, patet pupilla radiis paucioribus debilioribusque quam plurimum coacervandis. Si torpeat videndi facultas, torpet & motus Iridis; si vigeat, viget pariter ille motus. At quidquid exinde arguat adversarius, Retinæ jura ne minimum quidem labefactantur. Mobilitatem Iridis fovet rete nervosum, quod in eam expandit plexus ciliaris Josephi Lieuthaud. Ab hoc plexu insuper emergunt plurimi ad partes vicinas surculi, Corneam, nempe, Scleroticâ partem anticam & ipsammet Adnatam. Nec satis: processus ceu radii ciliares nil aliud sunt quam nervuli totidem dicti plexus propagines quæ, perforatâ laminâ Ruyschianâ Lentis Crystallinæ limbo tenus adjacent. Tot inter nervorum divisiones quò se vertit Retina? Ad Orbiculum Ciliarem extensa, jamque tenui & pellucidâ lamellâ Lentem Crystallinam amplexura (p) principio processuum ciliarium firmiter adhæret circulo evidente, puro, paulòque crassiore. Verùm nequeunt medullæ Nervi Optici & plexus ciliaris propagines tam artificioso nexu coalescere, quin ad visionis sentum quædam sibi mutuò conferant beneficia. Quemadmodum à concursu Primi Paris & quorundam Quinti ramulorum per membranam pituitariam egregius inter plurimas corporis functiones enascitur consensus; ita, quod Retinam & ciliares processus jungit, vinculum sympathiæ Retinam inter & Iridem antea dare meritò affirmaverimus. En procul dubio causa potens quæ vim motricem Iridis vi seu lucis, seu instrumenti visus æquiparat.

(p) Hall. Flem.
Physiol. tom. 5.
pag. 385-387.

Ad propugnanda Retinæ jura nobiscum militaverunt Physica & Anatome. Stat visionis princeps illa medullæ Nervi Optici soboles

hand degener. Choroïdeam usurpantem armis spoliavimus acerrimis. Splendido dejēcta ē folio ad tenebras detruditur. Nobili itaque palmā triumphum meriti clamamus :

Ergō Retina primum visionis instrumentum.

DOMINI DOCTORES DISPUTATURI.

M. Joannes d'ARCET,
utriusque Phatma-
ciæ Professor.

M. Ludovicus-Guilber-
tus · Alexander
BOYROT DE JON-
CHERES.

M. Antonius-Nicolaus
GUENAUT , Se-
renissimi Ducis de
Penhievre , Medi-
cus ordinarius.

M. Franciscus THIER-
RY DE BUSSY ,
Consultarius Medi-
cus R gis ordinarius
in Supremo Senatu
Parisiensi & Schola-
rum Professor des-
gnatus.

M. Carolus SALLIN.

M. Paulus - Jacobus
MALOUIN , Medi-
cinæ Professor Re-
gius , &c. &c.

M. Hugo GAUTIER.

M. Simon VACHER ,
Regis exercituum in
Insulâ Corsica Me-
dicus.

M. Bernardus DE JUS-
SIEU , Regi à Con-
siliis & Secretis Re-
giæ Scientiar. Acad.
Parif. Regiæque So-
cietatis Londinensis
Socius & in Horto
Regio Botanices Pro-
demonstrator.

Proponebat Parisiis JOANNES-FRANCISCUS-JACOBUS ROUSSILI E
DE CHAMSERU, Carnutæus, Saluberrimæ Facultatis Medi-
cinæ Parisiensis Baccalaureus, Theseos Auctor A. R. S. H. 1770.
A SEXTA AD MERIDIEM.